

ii^e lxxij

(...)

exp. a de()clayrac vefve
dud(it) feu lacaux

Testemant de m(aîtr)e pierre
lacaux notere royal de s(ain)t u(r)cize

Au nom de dieu soict que l an
mil six cens quarente cinq et le
dixiesme jour du mois de **novambre** apres
midy au lieu de **sainct u(r)cize** dioceze bas
montauban et sen(echau)cee de th(ou)l(ouse) regnant
nostre prince tres()chretien louys par la grace
de dieu roy de france et de navarre

pardevant moy not(air)e royal soubz(sig)ne
et presans les tesmoingz bas nommes
et dans la mai(s)on du testateur soubz
escript a este en sa personne estably
m(aîtr)e **pierre lacaux not(air)e royal dud(it) saint
u(r)cize** lequel gissant dans son lict de la
sal(l)e de sadite mai(s)on dettenu de certaine
maladie corporelle toutesfois estant en ses
bon sans memoire et parfaite cognoissance
ainsin que les tesmoingz soubz escriptz en ont
attesté et m()a apareu a moy dict not(air)e
a()l()aspect de sa personne considerant a la
mort naturelle veu qu()il ny a choze plus
certaine ny plus incertaine que l(h)eur e d icelle
de son bon gred et agreable volonte sans estre
induct ny suborné de personne ainsin qu()il
a declairé a()faict conduit et ordonné son
dernier noncupatif et valab(le) testemant en
la forme et maniere que s en suict et
premierem(en)t c()est musny du signe de la
sainte crois seur sa personne, en dizant
in nominé patris est filii es expiritu
santy amen, en apres a recom(m)andé son
ame a dieu le pere tout puissant le

ii^e lxiij

priant de bon coeur que quand icele
sera separee de son corps la luy vouloir
colloquer en son royaume celeste de paradis
item veust et ordonne led(it) testateur
son corps estre ensevely cretienemant
suyvant l ordre de la religion catholique
apostolique romaine que dieu luy faict

la grace de professer, et ce dans l()esglize
parochelle dud(it) saint urcize et a l endroit
qu()il a faict ensevelir **feu jaques**
clergeaut son petit filz et que ses honeurs
funebres luy soinct faictes par son h(eriti)ere
generale universele bas nommee selon sa
qualité et faculté de ses biens item
donne et legue icelluy testateur a u]n p(rest)bre
hobituaire[sieur recteur dud(it) saint urcize
la somme de trois livres t(ournoi)z pour et
aux fins qu()il luy plaize de prier dieu
pour son ame item donne et legue a
l(o)uvre mage de()l()esglize dud(it) saint urcize
parelhe somme de trois livres payable
une fois par son h(eriti)ere universele
]e[bas nommee dans l()an apres
son deces item donne et legue icelluy

testateur aux pauvres dud(it) lieu de saint
urcize la somme de six livres t(ournoi)z qu()il veust
leur estre donné et distribue par sadite
h(eriti)ere au devant sa mai(s)on dans l an apres
son deces item veust et entant iceluy
testateur que **martre** de()**clayrac** sa femme soict
nourrie, entretenue et alimantee pendant
sa vie par son h(eriti)ere generale universele
bas nommee a la charge par elle de
trabalher selon son pouvoir et raporter
le rebenu de ses biens a sad(ite) h(eriti)ere et en
cas elle ne pourroict compatir avec
icelle aud(it) cas luy donne pan(ti)on annuelle
tant qu()elle tiendra vie viduelle oultre
le rebenu de ses biens la quantitte de
trois sacz bled fromant mesure dud(it) saint
urcize une barrique vin et une barrique demy
vin avec les ruscz la premiere annee seulem(en)t
pyab(le) annuellement scavoir le bled a chasque
feste saint julhin et le vin a la canelle
et une robe drap gris un pair bas et
aussy luy donne l uzufruit et jouyssance
de deux pieces de terre que()icelluy testateur
jouyst et possede tout predz la metherie que

ii^e lxxv

le sieur rozet a assize dans le [con]sulat
de mondurousse appelle de bertrand
et moyen(n)ant ce l()a faicte son h(eriti)ere]p[
particuliere ne voulant qu au(tr)e choze
puisse demander ny prethendre seur ses biens
et hereditte item veust et ordonne led(it) testateur
que **jean trusse son nepveu** aye l()esconomye
et direction de ses papiers et biens chargent
son h(eriti)ere generale universele bas nommee

de prendre son advis et conse(i)l en tout
ses affaires et negosses priant sondit nepveu
d en vouloir prendre le soing et l esmaniamant
particulierem(en)t de ses papiers et par ce que
le fondemant de tout bon et valab(le) testemant
est l institu(ti)on d her(iti)er ou her(iriti)ers sans lequel
ou lesquelz seroict declaire nul et invalab(le)
a ceste considera(ti)on icelluy testateur en
tout et chacuns ses biens ou que soinct et que
luy puissent competer et appartenir a
faict institue son her(iti)ere generale universelle
et de sa propre bouche l()a nommee scavoir
est **jeanne de()lacaux sa filhe** legitime et
naturelle pour de sesd(its) biens et hereditte
en faire et dispozer a ses plaizirs
gredz et volentes a la vie et a la mort

incontinant apres son deces la chargent de
payer ses debtes et legatz de son presant
testemant et telle a dict estre sa derniere
volonte testamentere et disp(ositi)on de biens et
par ainsin a cassé et casse tous au(tr)es
testemans codicilles et donna(ti)ons qu()il pourroict
avoir cy devant faicte ne voulant qu()ilz
ayent aulcune force valeur ny efficace
snon le presant qu()il veust que balhe par
droict de testemant de codicille et de donna(ti)on
a cause de mort faicte et au(tre)mant en la
melheure forme que de droict pourra valoir
sy a prie les tesmoingz soubz escriptz les
ayant recogneus et nommes l un apres l au(tr)e
de ce dessus estre memoratifz pour en porter
tesmoiniage de veritte en tans et lieu et en()a
requis a moy dict not(aire) de luy en rettenir
instrument de testamant que luy ay concede
ez presances de m(aîtr)e jean fizelz p(ret)bre
et recteur dud(it) s(ain)t urcize gabriel bergon filz
d anhoine vidal pons pra(tici)en haibitant de
monclar soubz(sig)nes avec led(it) testateur anthoine
miquel blasiou et *pierre estye* brassiers
habitans dud(it) saint urcize ne sachans
escripre et moy

Lacaux, testateur

J. Fizelz, presant Pons, presant

Bergon

Lacaux n. r.

Controlle led(it) jour
Lacoste gratis